

multi honesti qui huic matris meæ interfuerunt do- A in Tullensi episcopatu melioris famæ sunt, possum nationi, cum ipse hanc testimonio omnium quotquot velimque comprobare. Valete.

S. ANSELMI ARCHIEPISCOPI CANTUARIENSIS, GODEFRIDI VINDOCINENSIS ABBATIS.  
S. YVONIS CARNOTENSIS

## EPISTOLÆ AD PASCHALEM.

*Exstant inter ipsorum scripta, Patrologiæ tom. CLVII, CLIX, CLXII.*

# CONCILIA DE INVESTITURIS PRÆLATORUM.

(PERTZ, *Monum. Germ.*, Leg. t. II, p. 180.)

*Quamvis ab operis proposito alienum sit conciliis generalibus immorari, haud alienum tamen videbitur, si hoc polissimum loco nonnulla ad concilia saeculi XII ineuntis de investituris facientia atque in codicibus ipsius temporis Vindobonæ, Romæ, et Monaci a nobis reperta addamus: canones Warstallenses et Trecenses ex codice regio Monacensi fol. 7, concilium Lateranense, in quo Paschalis privilegium de investituris cassatum est, ex codice Vaticano n. 1984, fol. 193, 194, unde jam textus editis melior et magis authenticus proccedit.*

## PASCHALIS II CONCILIUM WARSTALLENSE.

(Anno 1106, Oct. 22.)

### CAPITULA BEATI PASCHALIS PAPÆ APUD WARSTALLUM.

Per multos jam annos Teutonici regni latitudo ab ecclesiæ unitate divisa est, in quo nimirum scismate tantum periculum factum est<sup>1</sup>, ut, quod <sup>2</sup> cum dolore dicamus, vix pauci episcopi aut catholici clerici in tanta terrarum latitudine reperiantur. Tot igitur filii in hac strage jacentibus, christiane <sup>3</sup> pacis necessitas exigit, ut super hoc materna <sup>4</sup> ecclesiæ vicera misericordiae <sup>5</sup> aperiantur, sanctorum Patrum

B instructi scripturis, qui Novatianos <sup>6</sup> et Donatistas in suis ordinibus suscepserunt<sup>7</sup>, prefati regni episcopos in schismate ordinatos, nisi aut invasores aut simoniaci aut criminosi comprobentur, in officio episcopali suspicimus. Id ipsum de clericis ejusdem cuncte ordinis constituimus, quos vita scientiaque commendat.

## PASCHALIS II CONCILIUM TRECENSE.

(Anno 1107, Mai.)

### DECRETA PASCHALIS PAPÆ APUD TRECAS.

1. Cap. Si quis ecclesiæ aut ecclesiasticæ dignitatis ab aliqua laica persona investituram suscepserit, et ipse et qui manum ei imposuerit deponantur et communione priventur.

2. De uxoratis et concubinalis presbyteris id statuimus, ut penitus ab altaris ministerio sequestrentur et ecclesiasticis rebus depriventur.

3. Nullus sibi nomen alienum usurpet, ut plerius

C que solent eos nominare archipresbyteros, qui non sunt presbyteri; archidiaconos, qui non sunt diaconi; decanos, qui non sunt presbyteri, id omnino interdicimus.

4. Si quis munus exigerit pro oblationibus fideliuum vel pro præbendis canonorum vel monachorum vel alicuius ecclesiastici ordinis, ab ecclesia ejiciatur et communione privetur.

### VARIE LECTIONES.

<sup>1</sup> t. p. f. est in codice desiderantur. <sup>2</sup> deest in codice. <sup>3</sup> christianæ p. n. e. ut s. h. m. e. desunt in codice. <sup>4</sup> matris. <sup>5</sup> deest in editis. <sup>6</sup> novitianos e. <sup>7</sup> reliqua desunt in codice.